



ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

Ք. Երևան

17.11.2023թ.

«Իրավաբանների հայկական ասոցիացիա» հասարակական կազմակերպությունը (այսուհետ՝ նաև ԻՀԱ), ի դեմս Ասոցիացիայի նախագահ Կարեն Զադոյանի,

«Թվային Հայաստան» հասարակական կազմակերպություն (այսուհետ՝ նաև ԹՀ), ի դեմս կազմակերպության նախագահ Սուրեն Քրմոյանի,

(այսուհետ՝ բոլորը միասին Կողմեր),

- *հիմք ընդունելով և զարգացնելով Կողմերի միջև հանրային կառավարման, հակակոռուպցիոն, դատաիրավական և մարդու իրավունքների ոլորտներում առկա համագործակցությունը,*
- *հաշվի առնելով, որ հանրային կառավարման, հակակոռուպցիոն, դատաիրավական և մարդու իրավունքների ոլորտներում իրականացվող բարեփոխումների արդյունավետությունը մեծապես պայմանավորված է նաև քաղաքացիական հասարակության մասնագիտական կառույցների ջանքերի համախմբմամբ և թվային տեխնոլոգիաների կիրառմամբ,*
- *կարևորելով հանրային կառավարման, հակակոռուպցիոն, դատաիրավական և մարդու իրավունքների ոլորտների, այդ թվում ոլորտային ռազմավարությունների հասարակական վերահսկողության նորարական թվային կառուցակարգերի ներդրումն ու այլընտրանքային հասարակական մշտադիտարկումների իրականացումը,*
- *անհրաժեշտ համարելով հանրային կառավարման, հակակոռուպցիոն, դատաիրավական և մարդու իրավունքների ոլորտներում քաղաքականության մշակման, մշտադիտարկման և գնահատման համար լիազոր պետական մարմիններին ոլորտային ռազմավարությունների մշակման և իրականացման աշխատանքներում մասնագիտական փորձագիտական աջակցության տրամադրումը,*
- *ցանկանալով ամրապնդել և զարգացնել Կողմերի համագործակցությունը հանրային կառավարման, հակակոռուպցիոն, դատաիրավական և մարդու իրավունքների ոլորտներում թվայնացման և էլեկտրոնային կառավարման ուղղություններով,*

սույն Համագործակցության համաձայնագրով (այսուհետ՝ Համաձայնագիր) Կողմերը համաձայնվեցին հետևյալի մասին.



*ՀՈՒՎԱԾ 1*  
*Համաձայնագրի նպատակները*

Կողմերի համագործակցությունը իրականացվում է հետևյալ նպատակներով.

- համախմբել քաղաքացիական հասարակության մասնագիտական կառույցների հավաքական ջանքերը հանրային կառավարման, հակակոռուպցիոն, դատախրավական և մարդու իրավունքների ոլորտներում ռազմավարության մշակման, դրա իրականացման, իրազեկման և մշտադիտարկման ու գնահատման նպատակով,

- աջակցել հանրային կառավարման, հակակոռուպցիոն, դատախրավական և մարդու իրավունքների ոլորտներում իրականացվող բարեփոխումների արդյունավետության բարձրացմանը՝ թվային նորագույն տեխնոլոգիաների և էլեկտրոնային կառավարման գործիքների կիրառման, ինչպես նաև ոլորտային օրենսդրության լավարկման միջոցով,

- հանրային կառավարման, հակակոռուպցիոն, դատախրավական և մարդու իրավունքների, այդ թվում թվային իրավունքների ոլորտներում բարձրացնել քաղաքացիների իրազեկության մակարդակը:

*ՀՈՒՎԱԾ 2*  
*Համագործակցելու ընդհանուր պարտավորությունը*

Կողմերը համագործակցություն են իրականացնում ՀՀ Սահմանադրության, ՀՀ օրենսդրության, ՀՀ միջազգային պայմանագրերի և սույն Համաձայնագրի դրույթների հիման վրա՝ գործելով իրենց իրավասության շրջանակներում և առաջնորդվելով հրապարակայնության, օրինականության և ինքնուրույնության սկզբունքներով:

*ՀՈՒՎԱԾ 3*  
*Համագործակցության հիմնական ուղղությունները և ձևերը*

Կողմերը համաձայնվում են համագործակցել հետևյալ ուղղություններով և ձևերով.

- համակարգել Կողմերի աշխատանքները, դիրքորոշումները և ջանքերը հանրային կառավարման, հակակոռուպցիոն, դատախրավական և մարդու իրավունքների ոլորտներում ստեղծված պետական-քաղաքացիական հասարակության կազմակերպությունների ներկայացուցիչներից ձևավորված համակարգման և աշխատանքային մարմիններում.

- հանրային կառավարման, հակակոռուպցիոն, դատախրավական և մարդու իրավունքների ոլորտներում իրականացվող բարեփոխումների համար պատասխանատու պետական մարմիններին տրամադրել ոլորտային փորձագիտական աջակցություն ոլորտային ռազմավարությունների, ինչպես նաև դրանցից բխող կառուցակարգերի, իրավական ակտերի մշակման գործում,

- իրականացնել հանրային կառավարման, հակակոռուպցիոն, դատախրավական և մարդու իրավունքների ոլորտներում իրականացվող բարեփոխումների թվային նորագույն տեխնոլոգիաների վրա հիմնված իրազեկման աշխատանքները,



Digital Armenia

- իրականացնել հանրային կառավարման, հակակոռուպցիոն, դատախրավական և մարդու իրավունքների ոլորտների ռազմավարությունների և դրանից բխող բարեփոխումների, գործողությունների և կառուցակարգերի թվային նորագույն տեխնոլոգիաների վրա հիմնված այլընտրանքային մշտադիտարկումներն ու գնահատումները, հրապարակել դրանց այլընտրանքային զեկույցները.

- հանրային կառավարման, հակակոռուպցիոն, դատախրավական և մարդու իրավունքների, այդ թվում թվային իրավունքների ոլորտներում կազմակերպել ոլորտային ուսուցումներ, սեմինարներ, աշխատանքային քննարկումներ, համաժողովներ, գիտաժողովներ, դպրոցներ և մասնագիտական այլ միջոցառումներ,

- Իրավաբան.net կայքում գործարկել «Քո թվային իրավունքները» իրազեկման նախագիծը, մշակել և հանրայնացնել հանրային կառավարման, հակակոռուպցիոն, դատախրավական և մարդու իրավունքների, այդ թվում թվային իրավունքների ոլորտների նորարար և մատչելի մեդիա արտադրանքներ, իրականացնել ոլորտային արշավներ:

#### *ՀՈՂՎԱԾ 4*

#### *Համագործակցության այլ ձևերը*

Կողմերը համաձայնվում են, որ սույն Համաձայնագիրը չի բացառում համագործակցության այլ ձևերի հնարավորությունը, որոնք նշված չեն Համաձայնագրում, բայց համապատասխանում են նրա նպատակներին:

#### *ՀՈՂՎԱԾ 5*

#### *Համագործակցության զարգացումը*

Սույն Համաձայնագիրը կողմերին չի խոչընդոտում սահմանելու և զարգացնելու համագործակցության փոխադարձորեն ընդունելի այլ ուղղություններ և ձևեր՝ պահպանելով սույն Համաձայնագրի 2-րդ հոդվածով նախատեսված պայմանները:

#### *ՀՈՂՎԱԾ 6*

#### *Համագործակցության համակարգումը*

Սույն Համաձայնագրով սահմանված համագործակցությունը համակարգում և վերահսկում են Կողմերի ղեկավար մարմինները՝ լիազորված անձանց միջոցով:

#### *ՀՈՂՎԱԾ 7*

#### *Փոփոխություններ և լրացումներ*

Սույն Համաձայնագրում կարող են կատարվել փոփոխություններ և լրացումներ միայն Կողմերի փոխադարձ գրավոր համաձայնությամբ, որը կդառնա սույն Համաձայնագրի անբաժանելի մասը:



**ՀՈՂՎԱԾ 8**

**Տարածայնությունների կարգավորում**

Տարածայնությունները, որոնք կարող են առաջանալ սույն Համաձայնագրի դրույթների մեկնաբանման կամ կիրառման կապակցությամբ, լուծվում են Կողմերի միջոցով՝ խորհրդատվությունների և բանակցությունների միջոցով:

**ՀՈՂՎԱԾ 9**

**Եզրափակիչ դրույթներ**


Սույն Համաձայնագիրը ուժի մեջ է մտնում ստորագրման պահից:

Սույն Համաձայնագրի գործողությունը Կողմերից յուրաքանչյուրի համար կդադարեցվի այդ Կողմի՝ համաձայնագրի գործողությունը դադարեցնելու իր որոշման մասին մյուս Կողմերին գրավոր ծանուցելուց երկո ամիս հետո: Ծանուցման եղանակ է հանդիսանում Կողմերի ստորև նշված էլեկտրոնային ե/կամ փոստային հասցեները.


1. «Իրավաբանների հայկական ասոցիացիա» հասարակական կազմակերպություն, փոստային հասցե՝ ՀՀ, ք. Երևան, Նալբանդյան 7, գրասենյակ 2, էլեկտրոնային հասցե՝ [info@armla.am](mailto:info@armla.am)
2. «Թվային Հայաստան» հասարակական կազմակերպություն, փոստային հասցե՝ ՀՀ, ք. Երևան, Արամ Խաչատրյան 13, բն. 44, էլեկտրոնային հասցե՝ [info@digital-armenia.am](mailto:info@digital-armenia.am)

Սույն Համաձայնագիրը ստորագրվել է Երևան քաղաքում 2023 թվականի նոյեմբերի 17-ին, կազմված է 4 էջից, հայերեն լեզվով, հավասար իրավաբանական ուժ ունեցող երկու օրինակներից:

«Իրավաբանների հայկական ասոցիացիա» հասարակական կազմակերպության նախագահ

  
Վարեն Զախարյան

«Թվային Հայաստան» հասարակական կազմակերպության նախագահ

  
Սուրեն Քրմոյան